



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

Anno Decimooctavo.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



1717.  
feligi posse  
dd. Commis-  
sarios pro  
Provincia S.  
Antonii ex  
eadem Pro-  
vincia.

Sedem Apostolicam Prorectori exposuisset, quod dicti Commissarii Visitatores, sive ex Portugallia, sive ex Fluminis Januarii Provinciis hujusmodi selecti fuerant, ex se ob magnam distantiam commissum sibi munus minime adimplere poterant, ipse Alderanus Episcopus Cardinalis, & Prorector de consensu, & approbatione Definitorii Generalis, & Ministri Generalis prædicti Ordinis die XI. Augusti 1688. per suum Decretum præcepit, & mandavit, ut de cætero in Capitulis Provincialibus prædictæ Provinciæ Sancti Antonii tres Religiosi feligi possent, iisque Ministris, vel Commissariis Generalibus pro tempore existentibus proponi deberent, ad hoc, ut unum ex his in Commissarium Visitatorem ejusdem Provinciæ constituerent, & deputarent, & in defectum primi, alterum subrogarent, quam quidem deputationem ad eandem Provinciam quamprimum remittere deberent, ad hoc ut Commissarius Visitator intra tempus a Constitutionibus Ordinis hujusmodi præscriptum Visitationem assumere, & complere posset, & alias, prout in ejusdem Alderani Episcopi Cardinalis, & Prorectoris Decreto ac Literis Apostolicis in simili forma Brevis die 28. ejusdem mensis Augusti super illius confirmatione emanatis, quorum tenores præsentibus pro plene, & sufficienter expressis, ac de verbo ad verbum insertis haberi volumus uberius continetur; Sicque prædicta Provincia S. Antonii hucusque gubernata fuit.

Preces Pro-  
curatoris  
Provincia  
Fluminis Ja-  
nuarii pro  
simili con-  
cessione.

§. 1. Cum autem sicut eadem expositio sub-  
jungebat, memoratus Antonius Procurator, quo  
prædictis inordinationibus, quibus dicta Provin-  
cia sua de præsentibus obnoxia reperitur, occurre-  
re valeat, prædictæ suæ Provinciæ eandem facul-  
tatem, quæ Provinciæ S. Antonii concessa fuit,  
a Nobis concedi plurimum desideret. Nobis  
propterea humiliter supplicari fecit, ut in præ-  
missis opportune providere, & ut infra indulgere  
de benignitate Apostolica dignaremur.

Concessio  
d. facultatis  
pro Provin-  
cia Fluminis  
Januarii.

§. 2. Nos igitur ipsius Antonii Procuratoris  
votis in præmissis, quantum cum Domino pos-  
sumus favorabiliter annuere volentes, eumque  
a quibusvis excommunicationis, suspensionis,  
& interdicti, aliisque Ecclesiasticis sententiis,  
censuris, & pœnis a jure, vel ab homine qua-  
vis occasione, vel causa laici, si quibus quomo-  
dolibet innodatus existit ad effectum præsentium  
dumtaxat consequendum harum serie absolventes,  
& absolutum fore censentes, hujusmodi  
supplicationibus inclinari, de Venerabilium Fra-  
trum nostrorum S. R. E. Cardinalium negotiis, &  
consultationibus Episcoporum, & Regularium  
præpositorum, qui relationes jam defuncti Pro-  
curatoris Generalis, & dilecti filii Moderni Vice-  
Prioris Generalis dicti Ordinis Discalceatorum,  
& Recollectorum super eisdem præmissis  
dictis Cardinalibus factas audiverunt, consilio,  
Fratribus Definitorii primordiatæ Provinciæ facul-  
tatem eligendi in eorum Capitulis Provincialibus  
tres Religiosos benemeritos, & quos magis  
idoneos judicaverint, eosque Ministris, vel Com-  
missariis generalibus pro tempore existentibus  
proponendi ad hoc, ut ex iis tribus unum Com-  
missarium Visitatorem ejusdem Provinciæ con-  
stituant, & deputent, & in defectum primi al-  
terum subrogent; ac deputationem ad eandem  
Provinciam quam primum remittere debeant,  
ut Commissarius Visitator intra tempus a Con-  
stitutionibus præscriptum Visitationem assu-  
mere, & complere possit, auctoritate Apostolica  
tenore præsentium concedimus; salva tamen  
semper in præmissis auctoritate dictæ Congrega-  
tionis Cardinalium.

Clausula.

§. 3. Decernentes easdem præsentibus literas  
semper firmas, validas, & efficaces existere, &  
fore, suosque plenarios, & integros effectus for-  
tiri, & obtinere, ac illis, ad quos spectat, &  
pro tempore spectabit in omnibus, & per omnia

plenissime suffragari, & ab eis respective inviola-  
biliter observari: sicque in præmissis per quos-  
cumque Judices Ordinarios, & Delegatos, etiam  
Causarum Palatii Apostolici Auditores judicari,  
& definiti debere; ac irritum, & inane, si se-  
cus super his a quoquam, quavis auctoritate scien-  
ter, vel ignoranter contigerit attentari.

§. 4. Non obstantibus præmissis, ac Consti-  
tutionibus, & Ordinationibus Apostolicis, nec-  
non Provincialibus, & ordinis hujusmodi, etiam  
Juramento, confirmatione Apostolica, vel qua-  
vis firmitate alia roboratis statutis, & consuetu-  
dinibus, privilegiis quoque, Indultis, & Litteris  
Apostolicis in contrarium præmissorum quomodo-  
libet concessis, confirmatis, & innovatis. Qui-  
bus omnibus, & singulis illorum tenores, præsen-  
tibus pro plene, & sufficienter expressis, ac de  
verbo ad verbum insertis habentes, illis alias in  
suo robore permanfuris, ad præmissorum effectum  
hac vice dumtaxat specialiter, & expresse derogamus,  
cæterisque contrariis quibuscumque.

Datum Romæ apud S. Mariam Majorem sub An-  
nulo Piscatoris die VII. Septembris MDCCXVII.  
Pontificatus Nostri Anno Decimoseptimo.

Statuitur, ut Capitulum Gen. Monachorum  
Congregationis Reformatæ S. Bernardi deinceps  
habeatur singulis sexenniis.

CLXII.

Const. ed. 1710. Off. 3. P. 10. *avocata fuit lis super  
æqualitate officiorum. Et Const. ed. 1719. Apr.  
3. P. 19. confirmatur præsens Constitutio.*

## CLEMENS PAPA XI.

Dat. 4. Maii.  
1718. An. 18.

*Ad perpetuam rei memoriam.*

CUM (sicut accepimus) in Congregatione  
Reformatæ Sancti Bernardi Monachorum Or-  
dinis Cisterciensis, usus Capitulum Generale,  
in quo tam Abbas Generalis, quam alii Prima-  
rii ejusdem Congregationis Superiores eligi con-  
sueverunt, de triennio in triennium celebran-  
di hæcenus invaluerit; Experientia vero com-  
pertum fuerit, ex adeo frequenti Capituli hu-  
jusmodi celebratione, ac Superiorum mutatio-  
ne multiplicia universæ Congregationi prædictæ  
adferri incommoda, & detrimenta, tum ob  
graves, quas singulæ Provinciæ ratione ipsius  
Capituli quolibet triennio, non sine earum, &  
Monasteriorum notabili onere, & damno face-  
re tenentur, expensas; tam etiam ob diuturnam  
eorundem Superiorum ac præcipuorum Religio-  
forum, qui pene continuos itinerum labores  
subire, ac non modicum tempus in accessu,  
mora, & recessu a loco Capitulari absumere co-  
guntur, a suis Provinciis, & Monasteriis ab-  
sentiam. Quibus pariter accedit, quod ubi vix  
prædicti superiores debitam rerum ejusdem Con-  
gregationis, ac qualitatum Monachorum suæ  
curæ commissorum cognitionem nacti fuerint,  
munerum suorum eventat vacatio. Nos consi-  
derantes pro ipsius Congregationis ejusque Mo-  
nasteriorum & personarum levamento, ac fel-  
lici prosperaque eorum directione, nec non  
Monastica disciplina conservatione expediens  
fore, dicti Capituli celebrationem de triennio  
in sexennium deinceps differri, ac proinde illo-  
rum utilitati, & commoditati, quantum cum  
Domino possumus, consulere cupientes, de  
particulari Congregationis nonnullorum ex Ve-  
nerabilibus fratribus Nostri S. R. E. Cardina-  
libus ad id a Nobis specialiter deputatorum,  
qui ejusmodi negotium mature, & accurate  
perpenderunt consilio, ac etiam motu proprio,  
ac ex certa scientia, ac matura deliberatione  
Nostri, deque Apostolica potestatis plenitudi-  
ne, ut de cætero Capitulum Generale prædictæ

Causæ cele-  
brandi Capi-  
tulum singu-  
lis sexenniis,  
& non ampli-  
us trienni-  
is.

Statutum  
præd. motu  
proprio fa-  
ctum.

Congrega-



Congregationis quolibet sexennio a proxime futuro Capitulo Generali, quod die nona currentis mensis in Monasterio Sanctæ Pudencianæ de Urbe ejusdem Congregationis celebrandum erit incipiendo, atque ita perpetuis futuris temporibus de sexennio in sexennium continuando celebratur; ita tamen ut majoris partis Vocalium, qui proximum Capitulum prædictum constituent, desuper accedat consensus, dictumque negotium, ac præsentem Literæ sub initio ejusdem Capituli Generalis per dilectum filium Nostrum Franciscum ejusdem S. R. E. Presbyterum Cardinalem Barberinum nuncupatum, qui dictæ Congregationis apud Nos, & Sedem Apostolicam Protector existit, proponantur, tenore præsentium statutimus, & ordinamus.

Clausula.

§. 1. Decernentes easdem præsentem literas, firmas, validas, & efficaces existere, & fore, suoque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter & inconcussè observari: sicque, & non aliter in præmissis per quoscumque Judices ordinarios, & Delegatos, etiam Causarum Palatii Apostolici Auditores, ac S. R. E. prædictæ Cardinales, etiam de latere Legatos, & alios quoslibet quacunque præminentia, & potestate fungentes, & sancturos, sublata eis & eorum cuilibet quavis aliter judicandi, & interpretandi facultate, & autoritate, judicari, & definiti debere; ac irritum, & inane si secus super his a quocumque quavis autoritate scienter, vel ignoranter contigerit attentari.

§. 2. Non obstantibus præmissis, ac Constitutionibus, & Ordinationibus Apostolicis, necnon dictæ Congregationis, ejusque Provinciarum, & Monasteriorum quorumcumque & aliis quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Literis Apostolicis, eidem Congregationi, ejusque Provinciis, & Monasteriis, ac Superioribus, & personis quibuslibet, sub quibuscumque verborum tenoribus, & formis, ac cum quibusvis etiam derogatoriarum derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, confirmatis, ac pluries approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, formas, & occasiones præsentibus, pro plene, & sufficienter expressis, insertis, servatis, & specificatis respective habentes, illis alias in suo robore permanens, ad præmissorum effectum, hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

§. 3. Volumus autem, ut earundem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die IV. Maji MDCCXVIII. Pontificatus Nostri Anno Decimo-octavo.

Confirmatur Decretum Congregationis Episcopi, & Reg. de nomine Provincia S. Iovonis Congregationis Gallicanæ Tertii Ordinis S. Francisci.

Const. ed. 1708. Aug. 9. P. 8. est de electione Vicarii Gen. pro Provincia Lugdunen. Et Benedicti XIII. Const. ed. 1724. Maii 2. P. 1. agitur de transitu Fratrum Provincia S. Joannis in alios Ordines.

CLEMENS PAPA XI.

Ad futuram rei memoriam.

Nuper pro parte dilecti filii Justiniani Guardiani Conventus Sanctæ Mariæ Miraculorum de Urbe, & Procuratoris Provincia Sancti Iovonis Congregationis Gallicanæ Tertii Ordinis S. Francisci Congregationi Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositæ exposito, quod alias nempe anno 1647. num. 1. Joanne a Neapoli, dum vixit, Ministro Generali totius Ordinis ejusdem Sancti Francisci decretum fuerat, quod Provincia ejusdem Congregationis Gallicanæ nominibus Sanctorum titularium; minime vero Provincia, & Districtus earum vocarentur; & in eadem expositione subjuncto, quod nonnulli Congregationis Gallicanæ hujusmodi Religiosi contra formam Decreti ab eodem Joanne Ministro Generali editi, se vocari facere præsumebant; ideoque pro parte dicti Justiniani eidem Congregationi Cardinalium supplicato, ut Decretum hujusmodi omnino servari mandaret; emanavit a prædicta Congregatione Cardinalium Decretum tenoris, qui sequitur, videlicet: - Sacra Congregatio Eminentiſſimorum, & Reverendiſſimorum S. R. E. Cardinalium negotiis, & Consultationibus Episcoporum, & Regularium præpositæ, referente Emo Casono mandavit, quod pro nunc citra præjudicium jurium ambarum partium in hoc Conventu tantum Sanctæ Mariæ Miraculorum Urbis servetur dictum Decretum Ministri Generalis de anno 1647. ita quod recipi non debeant in prædicto Conventu Guardiani, aliisque Officiales, quotiescumque in eorum Literis Patentibus ultra nomen Sancti, apponatur etiam illud Provincia, vel Districtus earum, Quo casu Guardiani, & alii Officiales in posterum deputandi, si præsentaverint Literas cum expressione Provincia, possint per tres menses tantum a die exhibitionis earundem Literarum Officia exercere, quibus elapsis, eadem Officia exercentur per Seniores cujuscumque Provincia, donec veniant aliæ Literæ cum sola enunciatione Sancti earum respective Provinciarum, exclusis interim Patribus de Provinciis, quæ consentire, & obedire contumaciter noluerint præsentem Decreto - Romæ 10. Martii 1718. - F. Cardinalis de Abdua - J. Archiepiscopus Damascenus Secretarius. -

§. 1. Cum autem sicut dictus Justinianus Nobis subinde exponi fecit, ipse secundo dictum Decretum, quo firmius subsistat Apostolicæ Confirmationis Nostræ patrocinio communiri plurimum desideret; Nos ipsam Justinianum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, præinsertum præfatæ Congregationis Cardinalium Decretum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus; salva tamen semper in præmissis auctoritate dictæ Congregationis Cardinalium.

CLXIII.

Dat. 14 Maji  
1718. An. 18.

Ex Decreto  
Ministri Gen.  
an. 1647. edito  
Provincia  
Gallicanæ  
Tertii Ordinis  
nominibus  
Titularium,  
& non  
Provincia,  
vel districtus  
appellandæ  
sunt.

Decretum  
Congregationis  
confirmans  
illud  
Ministri Gen.  
pro solo  
Conventu S.  
Mariæ  
Miraculorum  
de Urbe  
sub certis  
pœnis.

Præces Guardiani D. Conventus.

Confirmatio  
relati Decreti.



1718. Clausulz.

§. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ab illis ad quos spectat, & pro tempore spectabit, inviolabiliter observari: Sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Congregationis Gallicanæ, & Ordinis hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die XIV. Maji MDCCXVIII. Pontificatus nostri Anno Decimo-Octavo.

CLXIV.

Confirmatur Decretum Congregationis Indulgentiarum de communicatione Indulgentiarum Congregationis Lateranensis Congregationi Canonico-rum Windesinen. in utraque Germania.

*Imm. XIII. Const. ed. 1722. Maji 19. P. 1. declaratur hujusmodi fruitio Indulgentiarum pro Canonicis superioris Germaniæ.*

CLEMENS PAPA XI.

Ad futuram rei memoriam.

Dat. 30. Jul. 1718. An. 18.

Petitio facta pro communicatione Privilegiorum, & Indulgentiarum Congregationis Lateranensis.

Nuper pro parte dilecti filii Bernardi Goeken Prioris Monasterii Georgimontani in Granhof Hildesimen. Diœcesis, & Præpositi Generalis Canonico-rum Regularium Congregationis Windesinen. Ordinis S. Augustini in utraque Germania Congregationi venerabilium Fratrum nostrorum S. R. E. Cardinalium Indulgentiarum, & sacris reliquiis præposita expositæ, quod ipse prædictam suam Congregationem, ejusque Ecclesias tam eorumdem Canonico-rum, quam Canonico-rum, omnium privilegiorum, & gratiarum, quibus Congregatio Canonico-rum Lateranensium fruitur, necnon Indulgentiarum in Sanctorum Augustini, & Monicæ illius Genitricis, Patritii, Frigidiani, & Ubaldi Episcopo-rum festis diebus, & die 5. mensis Martii, qua omnium Sanctorum Ordinis prædicti commemoratio ibidem fieri solet, ac aliarum Congregationi Lateranensis. ejusdem Ordinis S. Augustini a Sede Apostolica concessarum participem per Nos declarari plurimum cupiebat, quemadmodum in quibusdam fe. re. Urbani VIII., & Innocentii XII. Romanorum Pontificum Prædecessorum nostrorum annis 1624. & 1691. respective expeditis literis constare dicebatur. Emanavit ab eadem Congregatione Cardinalium Decretum tenoris, qui sequitur, videlicet. Sacra Congregatio Indulgentiarum, sacrisque Reliquiis præposita declaravit Ecclesias Canonico-rum, & Canonico-rum Congregationis Windesinen-sis ubique existentes participes esse omnium Indulgentiarum, quibus gaudet Congregatio Canonico-rum Regularium Lateranensium. Quam Sacræ Congregationis sententiam per me Secretarium, Sanctissimo Domino nostro relatam die 23. ejusdem mensis Sanctitas Sua benigne approbavit. C. de Hieronymis Sec.

Decretum Congregationis Indulgentiarum pro concessione Indulgentiarum tantum.

§. 1. Cum autem, sicut dictus Bernardus Prior, & Præpositus Generalis nobis subinde exponi fecit, ipse Decretum hujusmodi, quo firmitus subsistat Apostolicæ confirmationis nostræ patrocínio communiri summopere desideret. Nos ipsius Bernardi Prioris, & Præpositi Generalis votis, hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinari, Decretum præinsertum auctoritate Apostolica tenore præsentium confirmamus, & approbamus, illicque inviolabilis Apostolicæ firmitatis robur adjicimus, salva tamen semper in præmissis auctoritate Congregationis Cardinalium.

§. 2. Decernentes easdem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari; sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut præsentium literarum transumptis, seu exemplis, etiam impres-sis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique adhibeatur, quæ ipsi præsentibus haberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXX. Julii MDCCXVIII. Pontificatus nostri Anno Decimo octavo.

Confirmatur, & innovatur Constitutio Clementis X. revocans, & prohibens privilegia personalia pro Provinciis Fratrum Min. Discalc. in Brasilia.

*Laudata Constitutio ed. fuit pro Reformatis an. 1672. Oct. 7. P. 3. & hic refertur. Hujus Pontificis Const. ed. 1717. Sept. 7. P. 17. extat Statutum de Visitatore Provincie Conceptionis Fluminis Januarii. Et Const. ed. 1720. Sept. 7. P. 20. abolentur indulta Lectorum, Prædicatorum, & Magistrorum Reform.*

CLEMENS PAPA XI.

Ad futuram rei memoriam.

Admonet Nos suscepti cura regiminis universalis Ecclesiæ, ut illa, quæ a Romanis Pontificibus Prædecessoribus nostris pro felici Christifidelium, qui abnegantes semetipsos e fluctibus sæculi in Regulari vitæ portum confugerunt directione, & quiete salubriter constituta esse dignoscuntur, quo servetur imposterum exactius, innovemus, & Apostolicæ Confirmationis nostræ patrocínio constabiliamus.

§. 1. Dudum siquidem a fel. rec. Clemente PP. X. Prædecessore nostro emanavit literæ in simili forma Brevis tenoris, qui sequitur. Videlicet.

§. 2. CLEMENS PP. X. Ad perpetuam rei memoriam. Sacrosancti Apostolatus Officium, quod inscrutabilis Divinæ Sapientiæ, atque Clementiæ altitudo humilitati nostræ, mentis licet, & viribus longe impari committere dignata est fa-

1718. Preces Præpositi Gen.

Confirmatio relati Decreti.

Clausulz.

CLXV.

Dat. 20. Aug. 1718. An. 18.

Exordium.

Constitutio Clem. X. qua revocata fuerit, & in posterum prohibita pri-

lubriter



1718.

vilegia personalia, non nullis exceptis, cum poenis in contravenientes.

lubriter exequi jugi vigilantia fatigantes, in eam præcipue curam sollicitis studiis incumbimus, ut Christiane Altitissimi obsequiis sub suavi Religionis jugo mancipati, sublati iis, quæ regulari eorum observantia, atque disciplina detrimentum adferre noscuntur, juxta regularia eorum Instituta prospere dirigantur, illisque firmiter insistentes, multiplicibus in dies, benedicente Domino, proficiant incrementis. Cum itaque (sicut accepimus) in ordine fratrum Minorum S. Francisci de Observantia, & Reformatorum, seu strictioris observantia nuncupatorum introductus fuerit abusus, ut passim fratribus Indulta voti perpetui, aliaque privilegia personalia concedantur, ex quo magnum relaxationi officium aperiatur, & gravissimum paupertati & humilitati, quas dictus ordo profitetur, nocumentum inferitur: Nos, qui Regularem disciplinam ubique vigere, & omnem illius relaxationi viam præcludi summopere cupimus, de opportuno remedio quantum cum Domino possumus, providere volentes, ac fel. rec. Urbani VIII. prædecessoris nostri vestigiis inhærentes, motu proprio, ac ex certa scientia, & matura deliberatione nostris, deque Apostolica potestatis plenitudine omnia, & quæcumque Indulta, seu privilegia personalia quomodocumque nuncupata, quibusvis dicti Ordinis Fratribus cujuscumque dignitatis, qualitatis, & conditionis existant (Charissimorum in Christo filiorum nostrorum Regis Romanorum in Imperatorem electi, ac aliorum Regum Concinatoribus, & Confessariis dumtaxat exceptis) quocumque titulo, prætextu, causa, & occasione; & ad cujusvis instantiam, & supplicationem; tam a Nobis, & Romanis Pontificibus Prædecessoribus nostris, ac a quibusvis S. R. E. Cardinalium Congregationibus, quam etiam a Venerabili Fratre nostro Francisco Episcopo Ostien. ejusdem S. R. E. Card. Barberino nuncupato dicti Ordinis apud Nos, & Sedem Apostolicam Protectore, aliisque ejusdem Ordinis Protectoribus, ac a quibuslibet Ordinis hujusmodi superioribus hæcenus quoquo modo contra, & præter Regularia Ordinis prædicti Instituta, per Apostolicas Constitutiones concessa harum serie perpetuo revocamus, annullamus, cassamus, abrogamus, & abolemus, illaque perpetuo revocata, cassata, abrogata, & abolita, viribusque, & effectu vacua fore, neminique ullatenus suffragari, neque de cætero a quoquam concedi posse; sicque per quoscumque Judices Ordinarios, & Delegatos etiam Causarum Palatii Apostolici Auditores ubique judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari decernimus. Mandantes propterea in virtute Sanctæ obedientiæ, ac sub excommunicationis, privationisque suorum officiorum, ac vocis activæ, & passivæ poenis eo ipso incurrendis, dilectis filiis Ministro, ac Vicario, seu Commissario Generalibus, & Ministris Provincialibus, aliisque dicti Ordinis Superioribus, ut quamprimum præsentem nostræ literæ ad eorum notitiam pervenerint, omnes, & singulos Patres, & Fratres Ordinis hujusmodi familia Indulta, seu privilegia habentes, illis eo ipso privatos, & spoliatos esse declarent, nec quemquam illis uti sinant, vel permittant, inobedientes quoslibet, & rebelles opportunis Juris, & facti remediis juxta Regularia ejusdem Statuta Apostolica auctoritate confirmata, omni, & quacumque appellatione, reclamatione, & recursum remotis compescendo. Non obstantibus præmissis, ac quibusvis literis Apostolicis super concessione, seu confirmatione concessionis privilegiorum hujusmodi emanatis, aliisque Ordinationibus, & constitutionibus Apostolicis, necnon dicti Ordinis, etiam Juramento, Confr-

inatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis, etiam motu, scientia, & potestatis plenitudine paribus in genere, vel in specie, seu alias quomodolibet in contrarium præmissorum concessis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret illorum omnium, & singulorum tenores præsentibus pro plene, & sufficienter expressis, ac ad verbum insertis habentes illis alias in suo robore permanentis ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus haberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die 7. Octobris 1712. Pontificatus nostri Anno Tertio.

§. 3. Cum autem sicut dilecti filii Fratres Provinciarum S. Antonii, & Immaculatæ Conceptionis in Brasilia Ordinis Fratrum Minorum Sancti Francisci Discalceatorum nuncupatorum Nobis nuper exponi fecerunt, ipsi ne in posterum in Provinciis hujusmodi ambitionis, & relaxationis laxentur habenæ, præinsertas literas per Nos confirmari, ac alias opportune in præmissis a Nobis provideri, & ut infra indulgeri plurimum desiderant. Nos inviolabili præinsertarum literarum observationi quantum cum Domino possumus, per amplius consultum esse cupientes, ipsosque Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & poenis a jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum hæcenus serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium fratrum nostrorum S. R. E. Cardinalium negotiis, & Consultationibus Episcoporum, & Regularium, qui dilectum filium modernum Procuratorem Generalem dicti Ordinis super præmissis audiverunt consilio, præinsertas Clementis Prædecessoris literas cum omnibus, & singulis in eis contentis pro dictis duabus Provinciis Apostolica auctoritate tenore præsentium perpetuo confirmamus, & approbamus, ac quatenus opus sit innovamus; necnon insuper Indulta, seu privilegia personalia hujusmodi etiam a nunc & pro tempore existente nostro, & dictæ Sedis in Portugallia, & Algarbiorum Regnis Nuncio, concedi minime posse, ac concessa nullum habere vigorem, nec executionem dictæ auctoritate harum serie decernimus, & declaramus.

§. 4. Non obstantibus omnibus, & singulis illis, quæ in præinsertis literis idem Clemens Prædecessor voluit non obflare, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscri-

IVXID

Preces Provinciarum in Brasilia.

Confirmatio recentis Constitutionis cum nova prohibitionem eorumdem privilegiorum.

Clausula.



pris, & sigillo Personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus habeatur, si forent exhibitæ vel ostensæ.

Datum Romæ apud S. Mariam Majorem sub Annulo Piscatoris die XX. Augusti MDCCXVIII. Pontificatus nostri anno Decimo octavo.

CLXVI.

Declaratur nullus Tractatus Pacificationis inter Abbatem S. Galli, & Magistratus Bernensium, & Tigurinum, inita, Catholicæ Fidei, & Ecclesiæ juribus noxiæ.

*Ab Urb. VIII. Const. ed. 1641., Jun. 5. Ecclesiæ jura præservata fuisse a quibuscumque præjudiciis: Hujus Pontificis Const. ed. 1712. Jul. 19. P. 12. nulla declarata fuit Concordia inter Ecclesiasticos, & Syndicos Terræ Villarii. Et Benedic. XIII. Const. ed. 1726. Feb. 14. P. 2. nullum declaratur juramentum fidelitatis, exhibitum Potestati Seculari in Sabaudia a Præposito Hospitalis Magni S. Bernardi.*

CLEMENS PAPA XI.

*Ad futuram rei memoriam.*

Dat. 10. Dec. 1718. An. 19.

Exordium.

**R**omanus Pontifex æqui, bonique Supremus Assertor in Terris a Domino constitutus, Catholicæ fidei integritatem, necnon Ecclesiasticam libertatem, & immunitatem, aliaque Ecclesiarum, Monasteriorum, Conventuum, ac locorum Ecclesiasticorum quorumlibet, illorumque personarum jura facta testæ tueri, & adversus quascumque pactiones, & conventiones, per quas illis aliquid detrimenti inferri possit, tradita sibi divinitus potestate asserere tenetur, sicut omnibus maturæ considerationis trutinæ perpensis æquitati, & justitiæ consentaneum esse in Domino arbitramur.

§. 1. Cum itaque, sicut ad Apostolorum nostri notitiam non sine gravi animi nostri molestia pervenit, novissime, nempe die 15. Junii proxime præteriti in Oppido Badensi, dilectus filius Joseph a Rodulphis modernus Abbas Monasterii dicti S. Galli Ordinis Sancti Benedicti nullius Diocesis Provinciæ Moguntinæ ex una, ac Magistratus Pagorum Bernensium, & Tigurini, eorumque respective Ministri, seu Deputati ex altera partibus, super diversis controversiis, ob quas dudum inter eosdem Pagos, & bon. mem. Leodegarium, dum vixit, memorati Monasterii Abbatem, non ita pridem ab humanis exemptum, etiam ad arma deventum fuerat, tractatum quemdam pacificationis inierint, in plures articulos distinctum, quorum plerisque in Comitatu Dolsiensi ejusdem Monasterii ditioni subiecto, non modo hæreticis hominibus nefariæ suæ hæreseos exercitium libere permittitur, sed ipsi hæretici una cum Catholicis, perinde ac si esse posset societas luci ad tenebras, & participatio justitiæ cum iniquitate, ad judicium Consiliariorum Magistratum, aliaque publica munia, officia, seu ministeria, omnino æqualiter, & absque ullo prorsus discrimine admittuntur. Præterea, quod vix credi potest, Parochis A catholicis accurata puerorum instructio non utique in aliis, nisi ejus quam profitentur, adeoque damnatæ Religionis dogmatibus enixe commendatur, aliaque multa non minus Orthodoxæ fidei, divino cultui, atque animarum salutis adversantia, quam Monasterii supradicti, illiusque Abbatis, Monachorum, aliarumque personarum jurisdictioni, auctoritati, exemptionibus, privilegiis, rebus, bonis, ac juribus prorsus repugnantia, & insensæ approbantur, statuuntur, & firmantur, & alias prout in Instrumento, seu scriptura super tractatu pacificationis hujusmodi confecto, seu confecta, & subinde forsan utrinque ratificato, seu ratificata uberius dicitur contineri.

In Tractatu hujusmodi permittitur exercitium hæreseos, hæreticis conceduntur publica munia, & puerorum instructio.

§. 2. Tamen vero eundem tractatum per se manifeste nullum, ac irritum esse palam constat, notoriquè juris sit quascumque conventiones, seu pactiones de rebus, ac bonis Ecclesiasticis absque Apostolicæ Sedis auctoritate initas nullius esse roboris, vel momenti: quinimmo felic. record. Urbanus PP. VIII. Prædecessor Noster, Sedis prædictæ, ac Romanæ, inferiorumque Ecclesiarum, necnon personarum Ecclesiasticarum quorumlibet Jura quibuscumque præjudicialibus per quamdam suam Constitutionem die 5. Junii 1641. editam amplissime præservaverit; adeoque tractatus prædictus nulla vere ad sui reprobationem ulteriori nostra abrogatione indigeat; nihilominus, ne tam gravia per illum Orthodoxæ non minus Religioni, quam Apostolicæ auctoritati inflicta vulnera silentio præteritis, Nostrique propterea pastoralis Officii debito deesse videamur, ita Nos hac in re gerere statuimus, ut nostri etiam vigore judicii nulla unquam tractatus prædicti ratio haberi possit. Hinc est, quod Nos Catholicæ fidei conservationi, necnon hujus Sanctæ Sedis, Monasterii Sancti Galli, illiusque Abbatis, & Monachorum, aliarumque ejus personarum, locorum, bonorum, ac jurium quorumcumque indemnitate providere cupientes, memoratisque Urbani Prædecessoris vestigiis inhærentes, necnon Instrumenti, seu scripturæ tractatus pacificationis hujusmodi, omniumque & singulorum inibi contentorum, & aliorum quorumcumque etiam specificam, & individuum mentionem, ac expressionem de necessitate requirentium tenores, & datas etiam veriores, cæterave qualibet, etiam speciali mentione digna præsentibus pro plene, & sufficienter expressis, ac de verbo ad verbum insertis, & exactissime specificatis habentes, post deliberationem, quam desuper cum Venerabilibus fratribus Nostri Sanctæ Romanæ Ecclesiæ Cardinalibus contra hæreticam pravitatem generalibus Inquisitoribus habuimus, diligentem, de ipsorum nonnullorumque aliorum ejusdem Sanctæ Romanæ Ecclesiæ Cardinalium super hoc eodem negotio a Nobis specialiter deputatorum consilio, ac etiam motu proprio, & ex certa scientia, deque Apostolicæ potestatis plenitudine prænarratos, & alios quoslibet dicti tractatus pacificationis articulos, cæteraque in Instrumento, seu scriptura hujusmodi contenta, quæ Catholicæ fidei, divino cultui, animarum salutis, Sedi Apostolicæ, Monasterio Sancti Galli, illiusque Abbatis, Monachis, & aliis Personis, membris, rebus, Dominis, bonis, redditibus, jurisdictionibus, etiam temporalibus, auctoritatibus, immunitatibus, libertatibus, privilegiis, prærogativis, & juribus, quibuscumque quomodolibet officium, seu præjudicium, etiam minimum adferunt, aut inferre, seu intulisse, vel alias nocere, seu nocuisse quoquomodo dici, censeri, prætendi, vel intelligi possent, cum omnibus, & singulis inde secutis, & quodcumque securis, ipso facto nulla, irrita, invalida, iniqua, injusta, damnata, reprobata, inania, viribusque, & effectu penitus, & omnino vacua ab initio, fuisse, & esse, & perpetuo fore, neminemque ad illorum, & cujuslibet eorum, etiamsi pluries ratificata, & juramento vallata sint, observantiam teneri, neque ex illis cuiquam aliquod jus, vel actionem aut titulum etiam coloratum, vel possidendi, ac præscribendi causam, etiamsi longissimi, & immemorabilis temporis possessio, etiam citra ullam interpellationem, vel interruptionem subsequatur, acquisitum fuisse, nec esse, minusque ullo tempore acquiri, & competere posse, neque illa ullum statum facere, vel fecisse, sed perinde ac si nunquam emanasset, nec facta fuisset, pro non exantibus, & non factis perpetuo haberi debere tenore præsentium declaramus, & decernimus. Et nihilominus ad abundantiorum cautelam, & quatenus opus sit, articulos præ-

1718. Cause sequentis declarationis.

Declaratio nullitatis articulorum in Tractatu Ecclesiæ juribus præjudicialium, cum eorumdem damnatione.

fatos,